





嬰童百問卷之三

第二十一問天疔內疔

天疔陽內疔陰

天疔者壯熱驚悸眼目翻騰手足抽掣或啼或笑喜怒不常甚者爪甲皆青如祟之狀蓋由乳母酒肉過度煩毒之氣入乳乳兒遂使心肺生熱痰鬱氣滯加之外挾風邪致有此耳治法解利風熱則愈又有內疔者腹疼多啼唇黑囊腫偃僕及張眼內有紅筋斑血蓋寒氣壅結無驚風而得之經云內疔齊高時復漸安服尾紅脉是是也此乃胎中有風有驚故有此證先定內臟抽掣極痛狂叫或泄瀉縮脚忍疼啼叫



內證一過外證抽掣又來內外交攻極難調理却要  
分作兩項下藥內證服聚寶圓釣藤膏魏香散外證  
服釣藤飲保命丹最要進得乳可以加得小兒受此  
病間有好事楊氏乳香圓木香圓皆要藥也

聚寶圓

方見十六問即聚寶丹

釣藤膏

治小兒腹中極痛乾啼後軀名盤腸內釣

乳香

沒藥

木香

薑黃片各一錢

木鱉去油三筒

右為末蜜圓芡實大釣藤湯磨半圓入蜜服先

用此藥定痛再服魏香散

魏香散

蓬木五錢

阿魏二錢

右先將溫酒化阿魏浸蓬木一晝夜焙乾為末  
紫蘇米飲調下

釣藤飲

治小兒夜啼乃臟冷也陰盛於夜則冷動冷動  
則為陰極發躁寒盛作疼所以夜啼不歇也釣  
藤散主之治驚啼加蟬蛻防風天麻前十六問  
有釣藤散又二十問蟬蛻釣藤飲可兼看對證



用

釣藤鈎

茯神

茯苓

川芎

當歸

木香

甘草

白芍藥各一錢

右為末每服一錢薑棗畧煎服其或心熱而煩  
啼必有臉紅舌白小便赤澁之證釣藤飲去木  
香加硃砂末一錢研和每服一錢木通湯調下  
或剉散煎服亦可

保命圓

方見十四問

乳香圓

治驚風內釣腹痛驚喘

乳香半錢

沒藥小

沉香各一錢

蝎稍

十四箇

雞心檳榔

一錢半

右為末煉蜜圓桐子大每服二圓菖蒲釣藤湯  
調下

木香圓

治病如前

乳香

沒藥

全蝎各半錢

釣藤

舶上茴香

木香各一錢

右先将乳香沒藥另研次入諸藥末和畢取大



蒜少許研細和圓桐子大每服二圓釣藤湯下  
第二十二問盤腸氣

盤腸氣者痛則腰曲乾啼額上有汗是小腸為冷氣  
所搏然耳其口閉脚冷上唇乾是也此是生下洗遲  
感受風冷或青糞不實却有此證當服釣藤膏魏香  
散蘇合香圓當歸散乳母服烏沉湯或沉香降氣湯  
便定

釣藤膏

方見二十一問

魏香散

方見二十一問

蘇合香圓

方見六十問

當歸散

治小兒夜啼者臟寒而腸痛也面青手冷不吮  
乳是也宜此方

當歸去蘆

白芍藥

人參各一錢半

甘草炙

桔梗

橘皮各一錢去白

右為末水煎半盞時時少與服又有熱痛亦啼  
叫不止夜發面赤唇焦小便黃赤與三黃圓人  
參湯下

烏沉湯

方見十六問

沉香降氣湯



治陰陽壅滯氣不升降膏膈痞塞心腹脹滿喘  
促短氣乾噦煩滿咳嗽痰涎口中無味嗜臥不  
安減食

香附子二兩半炒去毛沉香 一錢 砂仁 三錢

甘草 七錢半

右為末每服一錢入鹽少許沸湯點之清晨霧  
露空心服之去邪惡氣使無瘴疫

### 第二十三問胎驚風

胎驚風者以胎婦調適乖常飲酒嗜慾忿怒驚撲毋  
有所觸胎必感之或外挾風邪有傷於胎故子乘母

氣生下即病也其候月內溫壯翻眼握拳噤口身腰  
強直涎潮嘔吐搐掣驚怖啼哭腮縮顙開或頰赤面  
青眼合不可誤作慢脾眼合妄用溫藥視其眉間氣  
色紅赤鮮碧者可治若黯黑青黑者不治虎口指紋  
曲入裏者可治反出外者不治其治法解散風邪利  
驚化涎調氣貼顙甚則以硃銀圓利之面青拳搐者  
當服保命丹釣藤散全蝎散

硃銀圓

方見第四問

保命丹

方見十四問

釣藤散

方見十六問



全蝎散

方見十六問

第二十四問胎風遍身軟

此證生下如湯火發因胎熱母肥如腦額生瘡難治  
乃胎內失於扶持如脚上有瘡爛此兒不滿五年如  
未滿臘前先撮口兩拳相握腰項如隨便知臟腑中  
生邪毒此只三朝定不可療思指向裏女指向外尚  
可醫治逆候則不須投藥餌矣更看眉中有青筋碧  
色應須有命若眉紅斷不可治如有可治之證但用

全蝎散釣藤散等劑

釣藤散

方見十六問

全蝎散

治諸癩胎癩

全蝎 一箇焙 琥珀

硃砂 各少許

右為末每服一錢麥門冬煎湯調下

又全蝎散

治急慢風大能定搐

全蝎 大者七箇薄許葉 僵蚕 三箇炒

辰砂 麝香 各少許

右為末煎石榴皮湯下直指用蟬蛻甘草南星

第二十五問項軟



項軟者乃天柱骨倒也極難調治其患不在心脾此因曾吐瀉之後亦傷寒無汗失表而然本非久病疰羸四肢不瘦卒然而成此疾項軟頭似石面紅唇赤只因肝膽有熱致令項軟肝受熱風者速與祛風退熱然後用強筋之劑貼項立見安和如此證若生下便如此乃胎氣不足或驚風後得此乃是寬緩不收名曰五軟果難得藥胎風并病後軟可服錢氏地黃圓補腎若卒暴如此者只是肝經有熱當服瀉肝圓貼項當用附子南星末以生薑自然汁調貼項可也

瀉肝圓

治肝熱生風眼目上視抽搐急驚可服亦退熱  
踈風又名瀉青圓

當歸

龍膽草

川芎

梔子仁

大黃煨

羌活

防風各等分

右為末蜜圓芡實大硃砂竹葉湯化下

地黃圓

方見第八問

第二十六問五軟

五軟者頭軟項軟手軟脚軟肌肉軟口軟是也無故不舉頭腎痺之病項脉軟而難收治雖暫瘥他年必



再發手軟則手垂四肢無力亦懶擡肩若得聲圓遠  
進飲食乃慢脾風候也尚堪醫治肌肉軟則肉少皮  
寬自離喫食不長肌肉可服錢氏橘連圓莫教瀉利  
頻併却難治療脚軟者五歲兒不能行虛羸脚軟細  
小不妨榮衛但服參耆等藥併服錢氏地黃圓長大  
自然肌肉充滿口軟則虛舌出口陽盛更須隄防必  
須治腦却無妨唇青氣喘則難調治也

橘連圓

方見八十一問

地黃圓

方見第八問

第二十七問五硬

五硬則仰頭取氣難以動搖氣壅痰痛連胸膈間脚  
手心如冰冷而硬此為風證難治肚大青筋急而不  
寬用去積之劑積氣消却安恐面青心腹硬者此證  
性命難保如風證只依中風治之必有回生之理小  
續命湯加減治之尤良羌活散等劑皆可用

小續命湯

治中風不省人事涎鳴反張失音厥冷

麻黃去節

人參

苗苓

川芎

芍藥

甘草炙

杏仁炒

去皮尖漢防已

官桂去皮各半兩



防風

七錢半 附子 炮去皮臍 七錢半

右除附子杏仁外並搗為粗末次入二味夾和

每一錢薑棗煎食前服有熱去附子官桂減半

羌活散

方見二十問

第二十八問風證風熱

小兒中風者以其血氣未定寒溫失調內則盛熱蘊畜外則勝理開虛故風邪乘其外虛而暴中之其狀昏不知人壯熱狂躁搐掣氣麓口噤涎潮是也心中風則偃卧不能傾側發熱失音其舌焦赤若汗流唇赤者可治灸心俞或唇間白黑青黃乃心壞為水或

面目青黑時時竦動者並不治肝中風則踞坐不得低頭左脇疼痛諸筋攣急頭目瞶動上視多怒其目青若透兩目連額微青唇青面黃者可治灸肝俞大段青黑其目一黃一白不治腎中風則踞坐面浮腰脊痛引小腹其耳黑若兩脇未有黃色起者可治灸腎俞或脇間如黃土髮直而齒黃赤者不治肺中風則偃卧胸滿喘息咳嗽躁悶汗出其鼻白若目下至鼻四圍及唇口皆白色可治灸肺俞或色帶黃乃肺壞為血不治脾中風則踞坐腹滿皮肉瞶動四肢不收其唇黃若一身通黃口吐涎涎者可治灸脾俞或



手足青而厥冷者不治凡人為風邪所中皆自背上五臟俞而入風入於頷頰之間則口喎而牙噤風塞於咽喉聲音之間則語不出而失音風與氣搏氣與痰隔則喉間如軒轅之聲響是風也始入於膚腠次達於經絡而搏於筋脉筋得寒則拘急攣痛得熱則緩弛不隨風挾寒邪即攣急也風挾熱氣即緩弛也拘攣脉必浮緊緩弛脉必浮洪寒者小續命湯熱者追風毒剉散之類脉浮者病在表脉實者病在裏脉促者病在上在表者散之在裏者利之在上者湧之若虛而寒者則烏附之類又不可缺古人治法雖以

灼艾為本亦當消息權度而投劑焉雖然風寒暑濕皆能中人况又有因氣而中風者人之驟病莫急於中風倉卒之際若未能精審且與下氣豁痰蓋中風皆因痰鬱氣滯而作先用通關散以甦之急以南星生薑木香煎湯調蘇合香圓灌下牙緊者南星細辛末入麝香烏梅肉點擦牙自開進藥之後痰消氣下病勢稍蘇即詳審五臟外證而調理之宜省風湯羌活散勢甚者防風通聖散化風丹牛黃散釣藤散等劑至寶丹可選用之

通關散



治卒暴中風昏塞不省人事牙關緊急藥不得  
嚥下

細辛

薄荷

牙消

雄黃

各等分

右為末每用少許吹入鼻中候噴嚏然後進藥  
或用白梅擦牙更以菖蒲末著舌下牙關即開  
倉卒可用

小續命湯

治中風不省人事涎鳴反張失音厥冷

麻黃

人參

黃芩

川芎

芍藥

杏仁

防已

肉桂

甘草

防風

七錢半

附子

二錢半

右除附子杏仁在外俱為麤末入杏附夾和每  
服三錢薑三片棗一枚煎服有熱去附子肉桂  
減半

追風毒剉散

治中風內外皆熱

大黃

郁李仁

炒各二錢

桑白皮

炒

檳榔

防風

各半兩

羌活

一兩



右剉散每服二錢黑豆三十粒同煎乳食後服

省風湯 方見十四問

羌活散 方見二十問

防風通聖散

治小兒熱甚驚風或斑疹出不快者更熱劇黑陷將欲死者或風熱瘡疥久不愈者諸般風熱

防風 去蘆半兩 荆芥穗 二錢半 川芎

綿紋大黃 當歸 薄荷葉

芍藥 麻黃 去根節 連翹 去帶

芒消 各半兩 石膏 細紋者方解者非 黃芩

桔梗 各一兩 滑石 六兩 甘草 二兩

白朮 梔子 各二錢半用

右粗末每服二錢水一盞生薑二片煎七分去滓服不拘時或卒中久不語或暴瘖不語皆治

化風丹 方見十九問

釣藤散 方見十六問

至寶丹 方見二十問

第二十九問 痲症

夫發痲之候先傷於風又感寒濕致之此虛極生熱熱極生風之甚者也傷風發熱頭痛汗出又自嘔逆



汗之必發症濕家發汗稍多亦發症此證項背強直  
腰身反張搖頭瘈瘲噤口不語發熱腹痛不惺惺其  
狀可畏病在足太陽經剛症無汗柔症有汗其面紅  
眼赤牙緊手張痰涎壅盛昏潰煩渴小便赤澀先譫  
語而發者此剛症也無汗當發汗其大便滑泄不語  
不渴先手足冷而發者此柔症也有汗當解肌並以  
小續命湯加減剛症去附子用麻黃柔症用附子去  
麻黃大便利厥逆者則以熟附佐之其間一證身體  
壯熱譫語口乾手足反微寒大便反滑泄此為剛柔  
不分之症無汗葛根湯主之有汗桂枝加葛根湯主

之要知無汗則用麻黃有汗則謹勿用也此古方之  
所禁其若痰塞氣盛則南星半夏茯苓以消其痰枳  
實陳皮紫蘇以順其氣痰消則風止氣順則神清然  
後審其熱之輕重而解利之熱輕者敗毒散熱盛者  
小柴胡湯解之壯熱有汗膏滿口燥咬齒而大便秘  
者是為內實六承氣湯下之後用大柴胡湯解之症  
最難痊十救其一過三日難治請早圖之

小續命湯

方見二十一

葛根湯

方見十六

桂枝加葛根湯



治頭疼項背強兀兀汗出惡風者

桂枝

芍藥

甘草各六錢

芍藥根 一兩二錢

右剉散每服三錢生薑棗之前服

敗毒散

方見五十一問

小柴胡湯

治傷寒溫熱病身熱惡風頸項強急胸脇滿痛  
嘔吐噦逆煩渴寒熱往來身面皆黃小便不利  
大便秘澁或過經不解或潮熱不除及瘥後勞  
復發熱疼痛煩熱經血適斷寒熱如瘥發作有

時

人參去蘆

甘草炙

黃芩各三錢

柴胡

去蘆入錢

半夏

湯泡七次焙乾二錢半

右剉散每服二錢水一鍾生薑三片棗一枚煎  
去滓溫服不拘時

大承氣湯

治剛痊胸滿內實口噤咬齒大熱發渴大便秘  
澁

大黃

芒消各半兩厚朴一兩

枳實二枚



右劉散每服三錢薑三片煎服

### 大柴胡湯

治傷寒十餘日邪氣結在裏往來寒熱大便秘澀腹滿脹痛譫語心中痞硬飲食不下或不大便五六日繞臍刺痛時發煩燥及汗後如瘧日晚發熱兼臍實脈有力者可服

柴胡

去蘆入錢

黃芩

赤芍藥

各三錢

半夏

湯泡七次切片帶乾一錢半

枳實

去穰麩炒半錢

右劉散薑棗前加減服之欲下加大黃半兩

### 第三十問夜啼客忤驚啼

夜啼者臟冷也陰盛於夜則冷動冷動則為陰極發躁寒盛作疼所以夜啼不歇也釣藤散主之或心熱煩啼必有臉紅舌白小便赤澀之證釣藤散去當歸木香加硃砂木通煎湯調下又有觸犯禁忌而夜啼者用醋炭熏可服蘇合香圓客忤者小兒神氣嫩弱外邪客氣獸畜異物星木觸而忤之其候驚啼口出青黃白沫水穀鮮雜面色變易喘息腹痛反側痲癢狀似驚癇但眼不上竄脈未弦急而數視其口中懸癰左右若有小小腫核即以竹針刺潰之或以爪甲摘破亦佳治法辟邪正氣散驚定心為上延久則難為



力也凡客忤中惡急作醋炭或降真香皂角併用熏之仍服蘇合香圓即自痊愈治驚啼拗哭本事方龍齒散主之又有花火膏亦卒急可用也論曰心藏神神安則臟和故小兒晝得精神安而夜得穩睡若心氣不和邪氣乘之則精神不得安定故暴驚而啼叫也安神散等劑治之又有軀啼之證小兒胞胎中其母將養失宜傷於風冷則邪氣入於胞胎既生之後冷氣停留復因乳哺不節邪氣與正氣相搏故腹痛軀脹感是氣而啼也牛黃圓等劑主之冷甚者理中圓主之

釣藤散

方見二十一問

蘇合香圓

方見六十一問

龍齒散

治拗哭肚痛驚熱

龍齒

蟬蛻

釣藤

羌活

茯苓

人參

各等分

右剉散每二錢薑棗煎服

碧霞散

治小兒渾身壯熱夜啼

栢葉

半兩

南星

僵蚕



全蝎

鬱金

雄黃各一錢

右為末和勻每服一錢用薄荷蜜水調下

六神散

治腹痛啼哭面青口中冷氣四肢亦冷由腰而啼或大便泄瀉及不吮乳

人參

山藥

白朮

各半兩

甘草二錢

茯苓

扁豆

炒各一兩

右為末每服二錢薑二片棗一枚煎服一方用當歸白芍藥人參各二錢半甘草桔梗陳皮各一錢為散每服二錢水煎時時服

花火膏

治夜啼脾臟冷而痛

燈花一顆

百一選加硼砂一字珠砂蜜調成膏

右取下塗乳上令兒吮乳

牛黃圓

方見十九問

理中圓

方見五十五問

安神散

治嬰孩夜啼

蟬蛻

四十九箇只用後一箇除去前一截并嘴脚

右為極細末作四服用釣藤湯調下不拘時候



服

嬰童百問卷之三

嬰童百問卷之四

第三十一問胎疾

胎疾謂月數將滿母失調護或勞動氣血相下或坐  
用飢飽相後或飲酒食肉冷熱相制或恐怖血脉相  
亂胎氣有傷兒形無補有胎熱有胎寒胎黃胎肥胎  
弱等證胎熱則兒在胎中母多驚悸或因食熱毒之  
物降生之後兒多虛痰氣急喘滿眼目眵淚神困呵  
欠不得伸舒呃呃作聲大小便不利或通利即有血  
水盛則手常拳緊脚常搐縮眼常斜視身常掣跳皆  
由胎中受熱宜速與大連翹飲子解散諸熱次與清



風散數服無恙其胎驚胎風自見本證茲不贅述胎  
寒則兒在胎中母因感寒邪或喜食生冷過度寒盛  
則腸鳴泄利邪氣以亂其真氣治寒邪當用和鮮治  
藏寒則溫藏寒甚則有盤腸內吊皆因寒而得之大  
便青者是也各有本證見之胎黃候則小兒生下遍  
體面目皆黃狀如金之色身上壯熱大便不通小便如  
梔汁乳食不思啼叫不止皆因母受熱而傳於胎也  
凡有此證乳母可服生地黃湯仍忌熱毒之物胎肥  
則生下肌肉厚遍身色紅滿月以後漸漸羸瘦目白  
睛粉紅色五心煩熱大便難時時生涎浴體法主之

胎弱則生下面無精光肌肉薄大便白水身無血色  
時時哽氣多噦目無精采亦當浴體法治之凡胎氣  
稟賦有世有弱其母飲食恣令飢飽起止無忌令兒  
得疾不寒即熱不虛即怯熱乃作壅寒乃作洩虛則  
作驚怯則作結寒則溫之熱則涼之虛則壯榮怯則  
益衛驚用安神圓結用微利詳審用之可保無虞不  
若古人胎教之法決無諸證生子必形容端正為世  
之英傑也

大連翹飲

見第三問

消風散



治諸風上攻頭目昏痛項背拘急肢體煩疼肌  
肉蠕動目眩旋暈耳作蟬鳴眼澁好睡鼻塞多  
嚏皮膚頑麻癢瘡癰疹小兒虛風目澁昏困

白茯苓 去皮

芎藭

羌活 去蘆

荆芥穗

防風 去蘆

藿香葉

白僵蚕 炒去絲

蟬蛻 去土

甘草 剉炙

厚朴 去皮薑汁製

陳皮 去白各等分

右為細末每服半錢茶清調下薄荷湯亦可又  
急慢驚風乳香荆芥湯調下或加雄黃名雄風  
散

### 生地黄湯

治小兒生下遍體面目皆黃狀如金色身上壯  
熱大便不通小便如梔汁乳食不思啼叫不止  
此胎黃之候皆因母受熱而傳於胎也凡有此  
證乳母宜服仍忌酒麪五辛之物

生地黄

赤芍藥

川芎

當歸 洗去蘆各等分

右剉散每服五錢水一盞煎至六分去滓產婦  
亦可服抹些入兒口中

### 浴體法

方見十四司



第三十二問解顛

仲陽謂解顛生下而顛不合腎氣不成也長必少笑更有日白睛多眵白身瘦者多愁少喜也餘見腎虛證楊氏曰小兒年大頭縫開解而不合者腎主髓腦為髓海腎氣有虧腦髓不足所以頭顛開而不能合也人之腦髓如木無根凡得此者不遠千日其間亦有數歲乃成廢人設有此證亦不可束手待斃也宜與錢氏地黄圓仍用天南星微炮為末米醋調傳於緋帛烘熱貼之亦良法也栝子散亦佳三辛散傳之即安聖濟封顛散防風圓等劑尤妙

地黄圓

方見第八問

栝子仁散

治小兒顛開不合

防風

一兩

栝子仁

一兩

右末乳汁調塗顛

三辛散

治小兒腦角骨大顛開不合

細辛

桂辛

各半

乾薑

一錢

右為末乳汁調塗顛上乾時再塗面赤是効

封顛散



桂號散

治小兒頭角大顛門不合即三辛散

第三十三問顛陷顛填

顛陷者始因臟腑有熱渴引水漿致成泄利久則血氣虛弱不能上充腦髓故顛陷如坑不能平滿用狗頭骨灸黃為末雞子清調傅之顛填者顛門腫起也脾主肌肉乳哺不常饑飽無度或寒或熱乘於脾家致使臟腑不調其氣上衝為之填脹顛突而高如物堆起毛髮短黃自汗是也若寒氣上衝則牢斬執氣上衝則柔軟寒者溫之熱者涼之劑量輕重兼與調

氣小兒肝盛風熱交攻亦然此證未易退瘥或執證用大連翹散以消之有表執證柴胡散主之又有封顛散掩之論曰小兒胃氣冲和則腦髓充盛顛頂漸合若胃執薰蒸臟腑則渴而引飲因致泄利令臟腑壅熱血氣虛弱不能上充腦髓所以顛陷也聖濟經用當歸散地黃圓

大連翹飲 方見第三問

柴胡散 方見五十問

封顛散 方見

地黃圓 方見第八問



當歸散

方見五十九問

第三十四問目內證

目內赤者心熱導赤散主之淡紅者心虛熱生犀散主之清肝熱瀉青圓主之淺淡者補之黃者脾熱瀉黃散主之無精光者腎虛地黃圓主之龍木論小兒闔睛候皆因失誤築打損着頭面額角蕪倒撲令兒肝受驚風遂使兩眼闔睛宜服牛黃圓口議血眼宜服生熟地黃散流行血氣熱毒服小防風湯風毒服小流氣飲積毒服小菊花膏主之斑瘡入眼決明散蜜蒙花散主之又有犀角散石楠散通頂為妙或吐

瀉後眼如上膜或痘疹入膜眼不能開及諸證眼定無精光難治

導赤散

方見第八問

瀉青圓

方見第八問

生犀散

治目內淡紅者心虛熱

生犀

鑄取末二錢

地骨皮

白條者佳

赤芍藥

紫胡

乾葛

剉各一兩

甘草

半兩

右為粗末每服二錢水一盞煎至七分合後溫服



瀉黃散

治寒淡者補之黃者脾熱

藜蘆香葉七錢

山梔仁一兩

石膏

甘草各五錢

防風四兩切焙去蘆

右剉散同蜜酒微炒香每服二錢水煎

地黃圓

方見第八問

生熟地黃散

治童子疳蝕眼患閉合不開羞明怕日或生內障朦朧失所並治之

生地黃洗

熟地黃各一兩洗

麥門冬去心半兩

川當歸

枳殼炙

甘草炙

防風

杏仁湯泡去皮尖炒赤

赤芍藥各二錢半

右剉散每服二錢水一小盞以黑豆七粒煎豆熟去滓服

地黃散

治小兒心肝蘊熱目赤腫疼內生赤脉或白膜遮睛四過散漫者猶易治若暴遮黑睛多致失明宜速用此方亦治瘡疹入眼

生地黃

熟地黃

蟬蛻去頭足

木賊

藜蘆精草

生犀末



當歸去蘆切 各二錢半 防風去蘆

羌活 白茯苓去 沙苑藜去

甘草 木通各一錢半 黃連去須

大黃去皮取實者 各一錢 玄參半錢

右為細末每服一字或半錢量大小加減前以羊肝湯食後調下日三忌口將白心亦治大人

小防風湯

治小兒執毒眼患

大黃蒸 山梔子 甘草炙

赤芍藥 川當歸洗 防風

羌活各等分

右剉散每服二錢水小盞煎至半盞去滓通口

服食後

小流氣飲

治小兒風毒眼患

蠶蛻去足 甘草炙 羌活

天麻 當歸 赤芍藥

防風 大黃 龍腦薄苛

杏仁各等分

右剉散每服二錢水煎去滓食後通口服



小菊花膏

治小兒積毒眼患

黃連

黃芩

大黃

菊花

羌活

蒼木米泔浸

荆芥穗

防風各等分

右為細末煉蜜為膏如茨實大每服一圓細嚼

白湯下

決明散

治小兒疹痘瘡入眼

括萎根半兩

決明子

赤芍藥

甘草各二錢半

右為細末每服半錢蜜水調下日三

蜜蒙花散

治小兒疹痘并諸毒氣入眼

蜜蒙花一錢半

青箱子

決明子

車前子各半錢

右為細末用羊肝一片破開作三片摻藥令勻却合作一片以濕紙七重裹炭灰中煨熟空心食之

犀角飲



治眼疼

犀角一兩

射干

草龍膽

黃芩各半

釣藤七錢

人參二兩

茯苓

甘草各二錢半

右剉散以水一盞每二錢煎至五分食後去滓  
溫服

牛黃圓

治肝受驚風遂使眼目通睛

牛黃

白附子

肉桂

全蝎

芫蕪

石膏各二錢半

白芷

藿香各半兩

辰砂

麝香各少許

右為末煉蜜圓如梧桐子大臨卧薄苛湯化下  
三圓乳母忌食熱物并麪猪肉等

第三十五問耳病

耳者腎之候小兒腎經氣實其熱氣上衝於耳遂使  
津液壅滯為膿為汁者也亦有沐浴水入耳中水濕  
停留搏於血氣醞釀成熱亦令耳膿久而不瘥變成  
聾耳龍骨散主之又湯氏有五般聾耳候聾耳者常  
有黃膿出是也膿耳者常有紅膿出是也纏耳者常



有白膿出是也底耳者裏面腥臭囊耳者裏面虛鳴  
時出清膿然五般病源一也皆由風水入耳內有積  
熱上壅而成若不早治久則成聾胭脂膏等治之仍  
服化痰退熱等劑即愈

### 龍骨散

治膿耳

明礬煨

龍骨研各三錢

黃丹煨二錢

胭脂

麝香各一錢研

右為細末先以綿杖撚去膿汁次以鷺毛管吹藥入耳本方加海螵蛸末尤佳

### 龍菁散

治小兒聾耳汁出不止

白礬灰

龍骨末

黃丹各半兩炒

麝香研一錢

右同研細先以綿杖子撚却耳中膿水用一字  
摻在耳內但用之勿令風入

### 乾胭脂膏

治小兒聾耳常出膿水不止

乾胭脂

白龍骨

白礬灰

白石脂研各等分



右研如粉用棗肉和圓棗核大以綿裹一圓納耳中日三換之

金箔散

白礬灰

乾胭脂

各半兩

金箔七片

右同研令勻為細末日三四度搽少許於耳內

蔓荊子散

治內熱耳出膿汁

升麻

木通

赤芍藥

桑白皮

麥門冬

去心

生地黃

前胡

甘菊

赤茯苓

蔓荊子

甘草

各等分

右剉散每服三錢薑棗煎食後臨卧服

第三十六問鼻病

鼻衄者黃芩湯主之清肺飲子治蠶鼻涼膈

凡牙兒三朝五日六晨一臘忽然鼻塞吻乳不能開口呼吸者多是乳母安睡之時鼻中出息吹著兒顙或以水浴洗用水溫冷不避風邪所以致兒鼻塞宜與通關膏傳之消風散服之或有驚悸作熱薄荷散與服生者亦佳又有鼻衄是熱搏於氣而乘於血也肺主一身之皮毛口氣開竅於鼻蘊寒元容皮膚搏於氣而成熱熱乘於血血得熱而妄行從鼻中出者



名鼻衄也或未及發汗而鼻燥喘息鼻氣鳴即衄治法皆依大方而分劑畧輕耳蓄芩湯犀角地黃湯主之生地黃茅根煎服尤佳

黃芩湯

方見六十七問

清肺飲子

方見七十九問

薄荷湯

治乳下嬰兒鼻塞不通及治夾驚傷寒極熱變蒸

薄荷葉半兩

羌活

全蝎

麻黃去節

甘草

僵蚕炒去絲嘴

各一錢

天竺黃

白附子

各一錢半

右為末薄荷湯下熱極生風加竹瀝少許與服一方有柴胡台芎桔梗茯苓無全蝎僵蚕天竺黃

白附子

消風散

方見三十一問

通關散

方見十四問

第三十七問口瘡鵝口重脣

巢氏云鵝口候者小兒初生口裏白屑滿舌上如鵝之口故曰鵝口也此乃胎熱而心脾最盛薰發於口也為氏用髮纏指頭蘸井花水揩拭之臨時以黃丹



煨出火氣摻於舌上小兒初出腹有連舌舌下有膜如石榴子中隔連其舌下後令兒言語不發不轉也可以爪甲摘斷之微有血出無害若血出不止可燒髮作灰末傅之血便止也用保命散白礬一錢枯馬齒牙消半錢硃砂一分同研細取白鷺糞以水攪取汁調塗舌上頰頰內先用髮纏指揩拭舌上垢了然後用藥傅之口瘡候乃小兒血氣盛兼將養過溫心藏積熱薰蒸於上焦故成口瘡也宜用南星末淡醋調貼兩脚心乳母宜服洗心散却用瀉心湯傅口之法用黃連末以蜜水調抹口中黃栢青黛腦子皆可

又以牛黃少許末之竹瀝調塗口內治鵝口以馬牙消如豆許塗亦好或口如魚口不能合或作鴉聲者難治又有小兒初生上脣有物脹起如懸癰或如蘆籜盛水之狀者名曰重脣此乃脾胃挾熱血氣不能收斂頷中舌下或在脣頰如吹小脣速宜以綿纏長針微露鋒銳刺腫處決出惡汁即消若再生宜再刺不爾則脹滿口中有妨乳食呼吸也

### 保命散

治小兒口裏白屑滿舌上如鷺口謂之鷺口

白礬一錢

牙消半兩

硃砂二錢半



右同研細每服一字取白鷺糞以水攪取汁調  
塗舌上頷頰內未用藥時先以手指纏亂髮拭  
舌上垢然後使藥傳之

### 吳茱萸散

治初生兒喫乳後口內即生白屑煩燥

吳茱萸 不以多少

右為末米醋調傳兒脚心內退即去之心有客  
熱口生瘡以南星末醋調傳脚心茱萸散亦治  
口瘡退即洗去之

### 洗心散

治風壅壯熱頭目昏痛痰涎壅滯涕唾稠粘心  
神不寧眼澁睛疼及鼻塞聲重咽乾多渴五心  
煩熱小便黃赤大便秘澁並宜服之

白木 一錢半

甘草 煨

當歸

荆芥穗

麻黃 不去節

芍藥

大黃

麩裹煨去麩切焙各六錢

右剉散每服四錢生薑薄苜煎去滓乳母服或  
兒服加前胡生地黃辰砂名辰砂七寶散為末  
治小兒口瘡積熱夾驚傷寒生薑薄苜調下一  
錢



二十問內有七寶洗心散可兼看對証用  
辰砂七寶散

治小兒壯熱傷風壅熱治夾驚傷寒辭諸般熱  
亦治疹痘熱治驚風定搐搦

麻黃去節

白朮

當歸

大黃

赤芍藥

荊芥

前胡

生地黃

甘草各半兩

右為末傷風發散用生薑薄荷煎急驚加辰砂  
薄荷調下兩局方洗心散亦可

瀉心散

方見六十二問

牛黃散

治小兒重舌重齦腫痛口中涎出

牛黃

龍腦

丹砂各二錢五分

鉛霜兩

太陰玄精石兩

右為末每服半錢先於腫處針破出血鹽湯拭  
口搽藥在內

第三十八問重舌木舌弄舌

巢氏云小兒重舌者心脾俱有熱也心候於舌而主  
血脾之絡脉出於舌下若心脾有熱則血氣俱盛附  
於舌根重生壅出如舌而短小是也有著頰裏及上



腭者名曰重腭者齒斷者曰重斷皆當刺去其血用  
真蒲黃傳之或髮灰或馬牙消或硼砂或淡消傳之  
或竹瀝浸黃柏點之亦好又木舌證舌者心之候脾  
之脉絡於舌也臟腑壅滯心脾積熱氣上衝故令  
舌腫漸漸脹大塞滿口中是為木舌若不急療必致  
害人用朴消二分紫霜一分白鹽半分同研每半錢  
竹瀝并花水調傳不用朴消及鹽亦可又方用黃葵  
花研細黃丹半之同研點七次又舌脹滿口單用腦  
子點之亦妙又弄舌者脾臟微熱令舌絡微緊時時  
舒舌治之勿用冷藥下之當少與瀉黃散漸服之亦

或飲水醫疑為熱必冷藥下之非也飲水者脾胃虛  
津液少也又加面黃肌瘦五心煩熱即為疴瘦宜胡  
黃連圓葦大病未已用藥後弄舌者凶又有舌上白  
胎并黑色者用硼砂為末摻之熱甚者加腦子或單  
用黃丹如豆許以按舌下尤妙

瀉黃散

方見三十四問

胡黃連圓

方見七十九問

第三十九問齒遲

無方

聶氏云稟受腎氣不足者即髓不強蓋骨之所絡而  
為髓髓不足故不能充於齒所以齒生遲也宜用芎



窮乾地黃山藥當歸芍藥甘草各等分研末用熟水調服或時以藥末擦齒齦齒即生也

第四十問喉痺腮腫

巢氏云此毒證乃風毒之氣客於咽喉與血氣相搏而結腫成毒熱入於心即煩亂不食而死此候急用金星圓下之治小兒咽喉腮腫疼痛當用升麻馬牙消礪砂牛黃等劑連翹湯不可缺也連翹漏蘆湯亦可服

金星圓

治小兒風熱壅盛喉中痰鳴嗽喘氣粗面頰紅

腮赤腫疼咽喉壅塞目閉不開多眠發熱狂言煩燥多渴則生驚風大便不通小便如血諸般熱壅瘡痍煩燥並宜服之

欝金

雄黃 各二錢半

膩粉 半錢

巴豆 七粒 去油

右為末調勻醋糊為圓麻子大薄奇湯吞下連翹漏蘆湯

治小兒癰瘡丹毒瘡癩咽喉腫痛腮腫

漏蘆

麻黃 去根

連翹

升麻

黃芩

白欬 各一錢



甘草

枳殼 各半

右為粗末每服一錢以水一小盞煎至五分去

滓量兒大小不計時溫服熱甚加大黃朴消

連翹湯

方見第三圖

清涼飲子

治小兒百病變蒸客忤驚癇吐熱痰涎壅盛燥  
悶頰赤口乾煩渴項頸結熱頭面疹癩肚中熱  
痛更四十四問有四順清涼飲可詳証通用

大黃

連翹

芍藥

羌活

當歸

防風

甘草

山梔仁

各等分

右剉散每服二錢米半盞煎三分去滓不拘時  
服



嬰童百問卷之四

嬰童百問卷之五

第四十一問語遲

巢氏云小兒四五歲不能言蓋人之五臟以心之聲為言所不能言者由在胎時其母孕有驚怖內動於兒臟邪氣乘於心故令心氣不足而不能言也宜服錢氏菖蒲圓以意加減久服取效

菖蒲圓

治小兒心氣不足五六歲不能言心之聲為言兒稍長合語而遲由妊娠時其母驚怖內動於兒臟邪氣乘於心使心氣不足舌本無力故令



語遲

石菖蒲

丹參

天門冬去心焙各一錢

赤石脂三錢

人參去毛

右為末煉蜜圓如麻子大食後溫水下二十圓  
聖濟總錄有黃連

第四十二問滯頤

巢氏云小兒滯頤者涎流出而漬於頤間也此由脾  
冷涎多故也脾之液為涎脾胃虛冷不能收制其津  
液故流出漬於頤也張氏溫脾丹主之一法百藥煎  
含嚥其涎自不出亦截法也益黃散亦治此證溫脾

散亦可服

張煥溫脾丹

治滯頤

半夏麩

丁香

木香各一兩

乾薑

白朮

青皮

陳皮

各半兩

右為末糊圓如黍米大一歲十圓二歲二十圓  
大小加減米湯下

溫胃散

治滯頤者涎流出積於頤上此由脾冷涎多故



也

半夏治

人參

甘草

乾薑

肉豆蔻

白朮

各半兩

丁香

一兩

右為末每服二錢生薑三片煎食前溫服

益黃散

方見第八問

第四十三問龜背龜胸鶴膝行遲

養羊角圓治五歲不能行步

仲陽云龜胸者乃肺熱脹滿攻於胸膈即成龜胸又乳母多食五辛而成此疾龜背者兒生下客風吹脊入於骨髓即成龜背治以龜屎點其背上骨節取尿

之法當放龜於荷葉上候龜眼四顧急用鏡照之其

尿自出聖惠論小兒龜胸者緣肺熱氣脹滿而成此

疾乳母多食辛辣之物亦成此候或乳母有宿乳乳

兒亦成此疾常捏去宿乳則無此證也當用聖惠龜

背圓治之聖惠論龜背者小兒初生未滿半周強令

早坐遂使客風吹脊故令背高如龜之狀也有灸法

可療當灸第三椎骨下兩傍各一寸半肺俞穴又第

五椎骨下兩傍二寸半心俞穴又第七椎骨下兩傍

各一寸半膈俞穴以小兒中指節為一寸艾炷如小

麥大但三五壯而止又有鶴膝證小兒稟受不足血



氣不充故肌肉瘦薄骨節呈露如鶴之膝抑亦腎虛  
而得之錢氏地黃圓加鹿茸以補腎氣又有行遲之  
證乃血氣不充則髓不滿骨故軟弱而不能行抑亦  
肝腎俱虛而得之肝主筋筋弱而不能束也地黃圓  
加牛膝五加皮及酒炙鹿茸又有五加皮散治之又  
治龜胸有龜胸圓以散其熱松蘿丹百合丹治龜胸  
龜背尤佳

龜胸圓

治小兒龜胸背者緣肺熱氣脹滿而漸成此疾  
乳母多食辛辣之物亦能成此候

大黃

煨一錢

天門冬

去心

百合

杏仁

去皮尖炒

木通

去節

枳殼

麩炒

桑白皮

炙

甜葶藶

炒

朴消

各五錢

右為細末煉蜜圓如大實六每用一圓溫湯化  
服食後

枳殼防風圓

枳殼

麩炒

防風

去蘆

獨活

去蘆

大黃

炙

前胡

去蘆

當歸

麻黃

去節各一錢

右為細末麵糊圓如黍米六每服十圓米飲食



後服

第四十四問腹痛

夫腹痛者多因邪正交攻與臟氣相擊而作也挾熱而痛者必面赤或壯熱四肢煩手足心熱見之挾冷而痛者必面色或白或青手足冷者見之冷甚而變證則面黯唇口俱黑爪甲皆青其熱證四順清涼飲加青皮枳殼冷證七氣湯加辣位調蘇合香圓若邪正交攻冷熱不調桂枝湯加青皮陳皮木香當歸為妙若內吊等證則釣藤散其餘則芍藥甘草湯為要藥也實痛有熱者大承氣湯上之心腹痛甚有

實熱者大承氣湯下之腹痛柱枝加芍藥痛甚桂枝加大黃也

四順清涼飲

治小兒血脈壅實臟腑生熱頰赤多渴五心煩燥睡卧不安四肢驚掣及因乳哺不時寒溫失度令兒血氣不順腸胃不調小便少大便澀或溫壯連滯欲成伏熱或壯熱不歇欲發驚癇又治風熱結核頭面瘡癤日赤咽痛瘡疹毒一切壅滯並宜服之治挾熱瀉不止加木香用煨大黃



赤芍藥

當歸

甘草

大黃 各等分

右判散三歲已上每服二錢水一盞煎至七分作兩服欲利小便利用赤芍藥虛熱加甘草不利減大黃冒風邪加去節麻黃中風體強眼睛上視加獨活量兒大小虛實加減微溏利為度可加荆芥更十四問內有加味清涼飲子可詳證通用

七氣湯

治七氣所傷痰涎結聚心腹亦痛不能飲食

半夏

製焙 五兩

人參

辣桂

去皮各 一兩

甘草

半兩

右剉細每服三錢水大盞薑五片棗一枚前食前服

指迷七氣湯

治七情相干陰陽不升降氣道壅滯攻衝作疼

青皮

陳皮

桔梗

蓬朮

辣桂

益智仁

各一兩

香附子

一兩

甘草

加半夏

各七錢半

右剉細每服三錢水一盞薑四片棗一枚煎至



七分不拘時服

異香散

治小兒諸般疳証角弓反張胸高臍凸透明沒藥一味右為末薑湯調下

桔槩枳殼湯

治諸氣痞結滿悶腹脇疼痛

枳殼炒

桔槩各二兩

甘草半兩炙

右剉散每服四錢水一盞薑五片煎至半盞溫服

釣藤散

方見二十一問

芍藥甘草湯

治出疹肚疼腹滿小便不通

芍藥一兩

甘草二錢半

右剉散白水煎服

大柴胡湯

方見二十九問

桂枝加芍藥湯

方見六十三問

大承氣湯

方見二十九問

桂枝加大黃湯

方見五十三問

第四十五問腹脹

腹脹有虛有實皆由脾胃氣攻所作也實者悶亂喘



滿可下之紫霜圓白餅子其不喘者虛也不可下若  
誤下致脾虛氣上附肺而行肺與脾子母皆虛肺主  
目胞腮頰腫也脾主四肢母氣虛甚即黃也治之用  
塌氣圓漸消之未愈漸加圓數然脾虛氣不運動故  
腹脹而不喘可以散藥治之使上下分消其氣則愈  
也又有疝氣積脹用塌圓子治之又有癥瘕痞脹三  
稜圓主之有實熱脹滿者大承氣湯主之一法用五  
苓散亦紫霜圓量虛實用圓數亦妙熱輕者大柴胡  
湯治之

### 塌圓子

### 治疝腫脹

蘿蔔子

一兩 微炒

陳皮

青皮

檳榔

五靈脂

蓬朮

黑牽牛

取淨末半生半炒

赤茯苓

各半兩

木香

二錢半

右為末麵糊圓菜豆大每服十五圓紫蘇葉或  
白湯下

### 紫霜圓

方見第三周

### 白餅子

方見四十周

### 塌氣圓



治小兒疳氣腹脹喘急并面浮腫

丁香

胡椒各一

蘿蔔子炒

白牽牛二錢

石為末麵糊圓如小豆大三歲三十圓米湯下

三稜煎

方見八十四問

大承氣湯

方見二十九問

五苓散

方見五十二問

大柴胡湯

方見二十九問

下積圓

方見四十九問

五珍圓

方見四十九問

第四十六問腹中有癖

癖者血膜包水側僻於脇旁時時作痛也惟癖為能發潮為能生寒熱故瘡家中腕多畜黃水日久而復結癖寒熱不已有是疾者以此小兒臟腑和平榮衛調暢則津液自然流通縱使多飲水漿不能為病惟乳哺失調三焦關隔以致水飲停滯腸胃不能宣通如冷氣搏之則結聚而成癖輕者用積滯木香圓重者用取癖圓仲陽云腹中有癖不食但飲乳是也當漸用白餅子下之如不早治則不能食脾胃虛弱四肢不舉諸邪遂生羸瘦而成疳矣



木香圓

治吐乳瀉乳其氣酸臭由啼叫不已以乳與兒  
停滯不化是為乳積肚硬熱渴吐瀉由飲食無  
度過飽即睡是為食積腹痛啼叫利如蟬湧由  
觸忤其氣榮衛不和淹延日久是為氣積瘡後  
肚內結癖成塊

木香

蓬朮

砂仁

青皮 去白

硃砂 細研

代赭石 研各二錢

大丁香

川巴豆肉 紙壓去油各一錢

右為細末和勻飛白麵糊和圓麻子大每服二

取癖圓

三圓乳傷乳汁下食傷米飲下

甘遂 微炒

芫花 炒

牽牛 半炒半生研篩取末

辣桂

蓬朮

青皮 去穢

木香

桃仁 浸去皮炒

五靈脂 各二錢

右為細末入去油巴豆一錢研和十分細飛麵  
糊圓麻子大每服一二圓薑蜜煎湯灌下泄後  
冷粥補仍和胃

扶癖圓

治乳癖穀癥腹中塊痛



青皮 去穢

木香

代赭石 火煨細末

蓬朮

生地黄 各三錢

巴豆 壓去油 盡一錢

右為細末醋麵糊圓麻子大每服二圓食後擦薑泡湯下

### 第四十七問痞結

痞者塞也結者實也熱氣蘊於胸膈之間留飲聚於腹脇之內於是榮衛不能流行臟腑不能宣通由脹滿而致痞結勢使然耳此熱實之証也時或發為壯熱聖惠甘遂散主之此藥治小兒痞結雖服湯藥時暫得利而滯實不去心下堅脹按之即啼內有伏熱

諸候併成此疾宜踈利大便破結散氣後宜常服進食圓

### 聖惠甘遂破結散

甘遂 根二錢半 今黃色 青皮 浸去白焙 黃芩

川大黃 對細碎 各半兩

右為粗末每服一錢水小盞煎至六分去滓溫  
和服量大小加減得通利則止後以冷粥補之

### 進食圓

治乳食不消心腹脹滿壯熱喘粗嘔吐痰逆腹  
鳴泄瀉米穀不化或下痢赤白腹痛後重及食



癥乳癖瘕氣痞結並皆治之小兒胸膈熱實腹  
內有留飲致令榮衛痞塞臟腑之氣不得宣通  
其病腹內氣結脹滿或壯熱是凡有此疾當踈  
利大便破結散氣宜常服之

巴豆霜

一分

當歸

一分

硃砂

代赭石

七次

枳殼

炒

木香

各半兩

麝香

少許

右為末麵糊為圓如麻子大一歲兒一圓溫米  
飲下更量虛實加減食後服治食積發熱羸瘦  
肚大青筋疳積肚疼嘔露

### 第四十八問積痛

仲陽云積痛口中氣溫面色黃白目無精光或白睛  
多及多睡畏食或大便酸臭者當磨積而痛自除宜  
消積圓甚者白餅子下之後和胃氣用白朮散小沉  
香圓感應圓治之又有食積肚痛有熱者芍藥甘草  
湯加乾葛吐者加半夏生薑或加枳實亦効

消積圓

方見四十九問即下積圓

白餅子

方見十四問

錢氏白朮散

治瀉渴兼吐瀉



人參

二錢

白茯苓

白朮

藿香葉

各半

木香

二錢

甘草

一錢

乾葛

半兩 湯者加一兩

右剉散白水一盞發熱甚渴者去木香肚痛加芍藥

小沉香圓

和中順氣嗜食消痰

砂仁

蓬朮

各四錢

香附子

去毛炒一兩八錢

甘草

炙一兩四錢

沉香

六錢

舶上丁香皮

二兩四錢

甘松

去上三兩六錢

益智仁

微炒一兩二錢

右為細末湯浸蒸餅圓如桐子大每服三十或四十圓食後溫生薑湯下或嚼破更妙

芍藥甘草湯

治傷寒脉浮自汗出小便煩數微惡寒脚攣急及治肚痛

白芍藥

甘草 各一兩

右剉散白水煎服又見四十四問

第四十九問積滯

小兒有積滯面目黃腫肚熱脹痛覆睡多困酷啼不食或大腸閉澁小便如油或便利無禁糞白酸臭此



皆積滯也然有乳積食積須當明辨之吐乳瀉乳其氣酸臭此由啼叫未已便用乳兒停滯不化而得之是為乳積肚硬帶熱渴瀉或嘔此由飲食無度多餐過飽飽後即睡得之是為食積腹痛啼叫利如蟬渤此由觸忤其氣榮衛不和淹延日久得之是為氣積合用木香圓主之檳榔圓亦可用大小便閉者神芎圓妙甚是齋推氣亦佳冷証下積圓五珍圓亦可用

木香圓

方見四十六問

木香檳榔圓

疎導三焦寬利胸膈破痰逐飲通潤大腸

郁李仁去皮 阜角去皮

半夏麩

枳殼麩炒 青皮去穢

杏仁麩炒

木香不見 檳榔各一錢

右為細末別用阜角四兩用漿一椀搓揉熬膏更入熟蜜少許圓如桐子大每服十圓小兒服可圓如菉豆大食後生薑湯化下

神芎圓

方見二十問

推氣圓

治三焦痞塞氣不升降胸膈脹滿大便秘澀小便赤少



大黃

陳皮

檳榔

枳實

小者去穢

黃芩

黑牽牛

各等分生用

右為細末煉蜜圓茶豆大臨臥溫熟水下二三  
十圓量虛實加減

檳榔圓

治小兒疳氣腹脹胸膈痞悶喘急不安

青皮

去穢同巴豆十粒炒去巴豆

檳榔

蘿蔔子

香附子

木香

各一兩

黑牽牛

半兩微炒

右為末生薑自然汁煮麵糊圓黍米大每服十

圓米飲下

下積圓

治乳食傷積心腹脹滿氣粗壯熱或瀉或嘔

丁香

二十粒

縮砂仁

二十箇

史君子肉

五箇

烏梅

巴豆肉

各三箇不夫油

右為末爛飯圓麻子大每服三圓陳皮湯下

五珍圓

治酒食積通用

青皮

乾薑

性寒

蓬朮

五靈脂

各一兩

巴豆肉

去半兩



右為細末粳米飯圓麻子大每服三五圓米湯下

第五十問諸熱証

小兒之病其熱惟多夫熱有虛有實實則面赤濃黃氣粗口熱燥渴尿頻大小便難掀揭露衣煩啼暴叫虛則面色青白恍惚神緩口中清冷虛氣軟弱泄瀉多尿夜出虛汗其或乍涼乍溫怫鬱驚惕上盛下泄水穀不分此則冷熱不調之証虛則敗毒散加木香當歸然小兒表裏俱熱面黃頰赤唇燥口乾小便赤澁大便焦黃先以四順清涼飲為之疎利其熱即去

或表未解也當先用惺惺散少加麻黃去節以取其汗或用柴胡散則表熱已除又當和解其熱自平若驚熱風熱積熱可服寬熱散下之保壽散金粉散以退餘熱可也

敗毒散

治傷風瘟疫風濕頭目昏眩四肢痛憎寒壯熱項強目睛疼尋常風眩拘倦風痰身體項疼及寒壅咳嗽鼻塞聲重寒熱並治之

柴胡洗去蘆

前胡

川芎

枳殼炒

羌活

獨活



茯苓

甘草 半兩

桔梗炒

人參 各一兩

右為麤末每服二錢生薑薄切煎加地骨皮天麻或剉散加蟬蛻防風治驚熱可加芍藥乾葛蓄苓無汗加麻黃

四順清涼飲 方見四十四問

惺惺散

治小兒風熱瘡疹傷寒時氣頭疼壯熱目澁多睡咳嗽屢鼻塞清涕

天花粉

人參

細辛 去藥

茯苓

去皮

白朮

甘草 炙

桔梗 各等分

右剉散每服五錢水一小盞入薄荷三葉同煎至四分溫服如要和氣即入生薑煎服不拘時

柴胡散

治小兒傷寒無汗有表証壯熱頭疼身體痛口乾煩渴小便赤大便秘澀夾驚顛腫

石膏

蓄苓

甘草

赤芍藥

葛根 各一錢半

麻黃 去節

柴胡 半兩



右判散三歲兒每服二錢水小盞生薑少許葱  
白三寸豉二十粒煎至五分去滓溫服不拘時  
出汗為效治熱嗽加杏仁去皮尖二錢五味子  
二錢

### 寬熱散

治小兒中惡天弔手足搐候服牛黃膏得漸安  
只腹肚有熱未退早晨亦可進一服寬熱散兼  
小兒食癖積嬰孩驚乳癖服此藥則下惡物或  
成塊如鼻涕腥臭覺得肚腹漸消稍思乳食

朴消

甘草各半

大黃錦紋者

枳殼

去穢一兩以水潤之以巴豆  
四十九粒去火同炒去巴豆

右四味為末以磁器收之每服一字或半錢用  
薄荷七葉煎湯調下一呷或入砂糖一塊阜子  
大在內以薄荷湯調勻早晨未乳食前灌下或  
兒壯加添藥末兒或弱則減藥末或兒子通身  
生瘡熱毒者可早晨與一服推出毒氣

### 保壽散

治嬰孩驚熱潮熱風熱虛熱頭額溫壯白晝  
間多啼傷濕鼻流清涕喉咽時時有清涎夜多  
睡臥不穩或手足口舌生小熱毒瘡或因喫著



喜怒乳食胸膈不快時復吐呢嘔乳忽因人物  
所驚日夜間手足心熱痰壅咳嗽兼患天疳急  
驚風候

白茯苓

人參

川雄黃

牙消

甘草炙各

麝香

牛黃

梅花腦子

各少許  
無亦得

右八味細研入錫合內收之湯使如後金粉散  
金粉散

治嬰孩驚熱風熱虛熱潮熱手足心熱口多涎  
唾面色紅赤頭額身體溫熱日夜咳嗽呀鼻流清

涕咳嗽上膈壅熱口鼻喉舌手足渾身頭項生  
毒熱瘡夜臥不安吐呢嘔逆乳食不化胸膈不  
快變蒸溫壯或有驚潮熱並宜服之常服鎮心  
化涎壓驚風搐候服牛黃膏得手足搐住病勢  
稍輕但有甘少餘熱亦宜進三兩服

川雄黃

研

白芍藥

牙消

腦子

麝香

各少許

右件研令細以錫盒收之每遇此證一歲兒半  
錢二三歲一錢煎薄荷湯調下金銀薄荷湯尤  
好常服可防百病



論不可服冷藥証

足脛冷

腹虛脹

糞色青

面澆白

嘔乳妳

眼珠青

論不可服熱藥証

足脛熱

兩腮紅

大便秘

小便黃

渴不止

上氣急

脉緊急

嬰童百問卷之五

嬰童百問下卷目錄

卷之六

第五十一問傷寒正受傷寒夾驚

第五十二問小兒傷寒與時氣同異

第五十三問傷寒表裏

第五十四問傷寒咳嗽傷風

第五十五問白晝內嗽

第五十六問喘急

第五十七問潮熱

第五十八問壯熱溫壯



第五十九問黃疸

第六十問嘔證吐乳證

卷之七

第六十一問熱吐

第六十二問客冷嘔吐噦逆

第六十三問霍乳吐瀉

第六十四問魃病

第六十五問瀉痢

第六十六問冷瀉

第六十七問熱瀉

第六十八問傷寒瀉

第六十九問驚瀉

第七十問諸色痢

卷之八

第七十一問脫肛并痔證

第七十二問便血臟毒

第七十三問大便不通

第七十四問小便不通

第七十五問大小便不通

第七十六問五淋



第七十七問遺尿

第七十八問尿白濁

第七十九問疝證

第八十問疝傷

卷之九

第八十一問虛羸

第八十二問胃氣不和虛冷

第八十三問食積熱冷

第八十四問虛實腫脹

第八十五問蛇

第八十六問陰腫疝氣

第八十七問盜汗骨蒸

第八十八問自汗

第八十九問渴證

第九十問煩躁

卷之十

第九十一問勑飡

第九十二問瘧證

第九十三問癰毒腫痛

第九十四問惡核瘰癧



第九十五問發斑

第九十六問丹毒赤遊腫

第九十七問瘡癬

第九十八問標瘡

第九十九問麻證水痘

第壹百問瘡疹

嬰童百問下卷目錄終



